

Skólaráðsfundur 1. desember 2016

Mætt voru: Sigríður Hrefna Pálsdóttir (fulltrúi stjórnar foreldrafélagsins, varamaður Auðar Thorberg Jónasdóttur), Adda Bára Hreiðarsdóttir (fulltrúi foreldra), Margrét B. Aradóttir (fulltrúi starfsmanna), María Gunnarsdóttir og Dagmar Þóra Sævarsdóttir (fulltrúar kennara), Aldís Lilja Sigurðardóttir og Gunnar Smári Ármannsson (fulltrúar nemenda) og Hrund Hlöðversdóttir (skólastjóri).

Fundargerð ritaði María Gunnarsdóttir

1. **Umbótaáætlun.** Hrund kynnti umbótaráætlanir skólans. Síðastliðið vor gerði Menntamálaráðuneyti ytra mat á Hrafnagilsskóla og sendi í kjölfarið skýrslu með matinu og tækifærum til umbóta. Skólastjóri sendi umbótaáætlun í byrjun nóvember en í bréfi frá Menntamálaráðuneyti dagsett 9. nóvember 2016 er beðið um nýja umbótaáætlun þar sem öll tækifæri til umbóta eru sett inn. Tekið skal fram að mat á skólastarfi Hrafnagilsskóla kom mjög vel út og enginn þáttur var metinn þannig að verulegra umbóta var þörf. Hrund kynnti þessa nýju umbótaáætlun ásamt þeim fyrri. Þær verða inni á heimasíðu skólans undir liðnum mat á skólastarfi.
2. **Starfsáætlun.** Á síðasta skólaráðsfundi var starfsáætlun kynnt en þá vantaði aftasta hlutann sem tengist innra mati skólans og umbótaáætlun. Starfsáætlunin var því kynnt að nýju og nú tilbúin. Hún hefur nú þegar verið birt á heimasíðu skólans.
3. **Bókun skólanefndar varðandi skólaferðalag 10. bekkjar.** Á skólaráðsfundinum var farið yfir bókun skólanefndar varðandi verklagsreglur skólaferðalags 10. bekkjar en í bókuninni frá fundi 8. nóvember er því beint til skólastjórnenda að skoða með opnum huga hvort verða megi við óskum foreldra um að nemendur sem ljúka námi við skólann eftir 9. bekk og fara fyrr í framhaldsskóla hafi möguleika á að taka þátt í skólaferðalagi með nemendum 10. bekkjar. Einnig beinir skólanefnd því til stjórnenda skólans að hvert tilvik verði skoðað fyrir sig. Verklagsreglurnar voru til umræðu á fundi skólaráðs 17. október síðastliðinn en í ljósi bókunarinnar var ákveðið að opna umræðuna að nýju. Eftir að allir fulltrúar í skólaráði höfðu fengið að segja sitt álit var eftirfarandi bókun gerð:

Á fundi skólaráðs Hrafnagilsskóla fimmtudaginn 1. desember var bókun skólanefndar Eyjafjarðarsveitar til umfjöllunar varðandi verklagsreglur Hrafnagilsskóla um skólaferðalag 10. bekkjar.

Farið var að nýju yfir þær verklagsreglur sem hafa verið í gildi og þær áherslur sem fram koma í áður nefndri bókun skólanefndar. Að mati skólaráðs hafa ekki komið fram ný rök sem breyta fyrri afstöðu ráðsins.

Skólaráð telur mikilvægast að í málum sem þessum gildi almennar verklagsreglur, fremur en að afstaða sé tekin í hverju og einu tilviki, eins og skólanefnd mælist til.

Að mati skólaráðs býður sú aðferðarfræði að skoða hvert og eitt tilvik upp á hættu á ófyrirséðum vandamálum bæði gagnvart innra starfi skóla og skólasamfélaginu öllu. Mikilvægast er að tryggja að ákvarðanir séu ekki teknar af geðþótta og að heimilum og nemendum sé ekki mismunað.

4. **Bréf frá foreldri.** Skólastjóra barst bréf frá foreldri sem vildi láta vita af því að það harmar það að Gídeonfélagið fái ekki að kynna Nýja testamentið í skólanum og afhenda nemendum 5. bekkjar það. Einnig koma fram í bréfinu vangaveltur varðandi jógaíðkun nemenda og því velt upp hvort jógað tengist á einhvern hátt trúariðkun í anda hindúisma eða búddisma. Skólastjóri sagði frá inntaki bréfsins og útskýrði ákvörðun stjórnenda og lendingu með afhendingu Nýja testamentisins. Forsagan er sú að fyrir ári barst skólaráði kvörtun um það verklag að fulltrúar Gídeonfélagsins afhentu hverju og einu barni Nýja testamenti og læsu úr því. Skólaráð velti fyrir sér hvort í verklaginu fælist trúboð og komst að þeirri niðurstöðu að það teldi svo vera eins og fulltrúar Gídeonmanna framkvæmdu heimsóknina. Í framhaldi var tekin sú ákvörðun að samfélagsfræðikennari 5. bekkjar fjallaði um Biblíuna í kristinfræðikennslu og í framhaldi af þeirri kennslu væri fjölskyldum nemenda í 5. bekk boðið að þiggja Nýja testamenti að gjöf frá Gídeonfélaginu. Búið er að kynna þetta verklag fyrir kennurum miðstigs og foreldrum verður kynnt það þegar kemur að kennslunni. Varðandi jógakennslu sem var valgrein á unglingastigi í fyrra og hefur verið notuð sem uppbrot í vetur þá tengist það á engan hátt trúarbrögðum nema að nafnið jóga er úr austrænum trúarbrögðum. Vangaveltur hvort hægt væri að kalla þetta eitthvað annað en jóga en vissar teygjuæfingar og slökun hefur fest sig í sessi í hugum fólks sem jóga. Skólaráð gerir ekki athugasemdir við jógakennslu en gott væri að uppfærða nemendur og foreldra hvað fram fer í þessum tímum.

Fundi slitið klukkan 16:00